

Amakgapitsin lámá Iqbal

Lilakgalhamat pi nak kakilhtamakú wilakgolhku laktsu Iqbal, anta kpulataman Asia, África chu América Latina. La ukú, wilakgolh akgtati sientu xamillón laktsukaman nak lilakgatúm pulataman nikumá kamawakanikán snun taskujut, xanikumá, 168 millones laktsukaman nikumá kgalhikgoy latá 5 chu 14 kata skujkgoy 15 ora tantaku, chu lagkachinin nikatsikgoy nikulá titaxtuy kilhtamakú, anta ixpuskujnikán lhuwa talakgalhin kamakgspulikán, wi nikú amá taskujut kamasipani chu kamakalaktlaway ixtastaknikán, lagkachinin amá laktsukaman skiti kalimaxtukán nikú kamaktujukán chu asta lagkachinin kalimaskujukán xlakata nakatatalakgxtumikán chu kastakán.

Wa xalilakgatúm latamananín maklakaskinkgoy xlakata natamakalaktlaway umá talakgalhin chu nakamapatinikán tikú namakgantaxti umá talakgalhin. Wa xlakata pi talakgachixkuwi umá kilhtamakú xlakata limakxtúm nalilakapastakaw nikulá tlan nakamakgtayayaw laktsukaman nikumá kamawakanikán xatsinka taskujut chu kamakgslakgkán, akinín tlan natalakgsiyayaw akxni nakxilhaw tikú tlawama umá talakgalhin.



VERACRUZ
GOBIERNO
DEL ESTADO



SEV
Secretaría
de Educación

AVELI
Academia Veracruzana
de las Lenguas Indígenas

Xlikgalhkuchaxán papa' abril

**Xlitalakgachixkuwit
Xalilakgatúm pulataman
xlakata natalaktlaway
xatamawakat
laktsukaman
xatachin
taskujut.**

*¡Kalaktlawaw
xatachin taskujut
xla laktsukaman!*



Tutunakú



XAPULAKKAXTLAWAN KANA TACHIWÍN NAK
TILANKA PULATAMAN XALAK VERACRUZ

Av. Xalapeños Ilustres No. 7
Edificio Radio Mundial 5º Piso
Xalapa, Veracruz, México, C.P. 91000

Tel. 01 228 890 4119/20
www.aveli.gob.mx

AVELI

XAPULAKKAXTLAWAN KANA TACHIWÍN NAK
TILANKA PULATAMAN XALAK VERACRUZ



Xlikgalhkuchaxán papa' abril

**Xlitalakgachixkuwit
Xalilakgatúm pulataman
xlakata natalaktlaway
xatamawakat
laktsukaman xatachin
taskujut**

Lengua: Tutunakú
Subdirección de Fortalecimiento y Promoción de las Lenguas Indígenas
Sección de Difusión de la Diversidad Cultural y Lingüística

Xlikilhtsukut umá talakgachixkuwit

Ixlitalakgachixkuwit umá kilhtamakú litsukunit akxni makgnikalh Iqbal Masih nikumá xkgalhi 12 kata, xla makgnikalh 1995, nikumá xkgalhi 4 kata akxni stalh ixtlat nak xpukaxtlawakán likatlapan nak Punjab xlakata xmaklakaskimakgolh nakamapawanikán tumin xlakata ixamakgolh lixokgokgoy ixtamakgaxtokgat xapuxku ixtalá.

Xlakata nataxokgoy amá tapawat, Iqbal kskuja agkuti ora tantakú xkgonkgxa likatlapan chu xlixokgonikán akgtúm rupia tantakú. Chu xaskgata lipuxukgon xtalhuwima, wa xlakata Iqbal lata aktsujku lan skujtamakgalh.



Xataskujut tamakgpuwantiyat liwana latamat xla Iqbal

Nak 1992, akgkitsis kata latá xkilhtsukunit ixtapatin amá aktsu kgawasa, Iqbal lakgapasli Ehsan Khan,



tikú xliskujma tamakgpuwantiyat liwana latamat, xlakata natalakgmakgán xatachin taskujut. Chu amá aktsu kgawasa tsukulh talakgsiyay xlakata nikulá xmagspulimaka nak ixputaskujut chu nachaná nikulá xwilakgolh amakgapitsin laktsukaman nikumá kskujmakgolh nak kpukaxtlawan likatlapan.

Lakgmxtukalh amá aktsu kgawasa xlakata Taliskujlhi Talakgmakgán Xatalakgalhin Xatachin Taskujut, chu amá aktsu kgawasa tsukulh litaskujutlay xlakata natalakgmakgán xatachin taskujut nikumá kalimawakakán laktsukaman, ixtaskujut limakwa xlakata kalakgachikalh puskujni nikú xkalimawakakanit laktsukaman xatachin taskujut. Ixlataman tamalakgawanilh chu tipalhuwa lilakgachixkuwit tlajalh chu lakgmxtulh nak Estocolmo chu Kbboston, wa xlakata akgpuwantiyah namatsuki pukgalhtawakga.

Akxni makgnikalh Iqbal

Ixtaskujut tsukulh kamakgstantlaway amá laklanka skujnín nikumá ixlitlajakgoy xatachin taskujut nikumá kalimawakanikán laktsukaman, chu 16 xla papa' abril xla 1995, malakgsputuka ixtachuwin amá aktsu kgawasa, talaka akxni xputlawama ixbicicleta nak tiji.

Ixmakgninanín (makglakgalhinanín xla likatlapan kaliyawakalh amá talakgalhin) malakgsputukalh ixlatamat amá aktsu kgawasa, pala nimalakgsputuka ixtalakapastakni, xlakata Iqbal la chiyu talakatiyay lamá likxilhtiyan xla tachin taskujut nikumá kaliyawakán laktsukaman.

